

Հ Ր Ա Ի Է Ր

Հոգևոր Աշխատութիւնը պարտք է համարում իրան «Արարատ» ամսագրի միջոցաւ դիմել իւր սիրելի ազգայնոց և խնդրել օգնութեան ձեռք մեկնել աղքատ և չքաւոր քաղցածներին, որոնք ահա մէկ ամսից աւելի է որ խումբ խումբ ամենայն օր դիմում են ս. Աջմիածին և հաց են խնդրում: Հոգևոր Աշխատութիւնը տեսնելով նրանց դառն արտասունքը բացեց նրանց առաջը իւր շտեմարանի դռները ոմանց փոխարինաբար, ոմանց ձրի և ոմանց վնի զեջողութեամբ ցորեն տալով օգնեց. բայց Աջմիածինը այնքան նիւթական միջոց չունենալով բոլորի կարիքը լցնելու՝ դիմում է Հայազգին և խրնդրում է նորա ուշադրութիւնն իւր աղքատ և չքաւոր եղբարց վրայ. իրանց կարեաց չափով նուէրք տուողներն անուանական ցուցակով կարող են ուղարկել իրանց նուէրներն ս. Աջմիածին, աղքատ չքաւորներին հասցնելու համար: